

SIV IB FEEB...

Kev Sib Raug Zoo Tseem Ceeb Heev!

KOJ yog tus neeg tseem ceeb tshaj plaws hauv koj tus me nyuam lub neej! Yog vim li ntawd koj thiab koj tus me nyuam txoj kev sib raug zoo yog ib yam tseem ceeb heev ntawm txoj kev pab thaum ntxov. Early Start tej kev pab yog ua kom pab KOJ yuav paub pab koj tus me nyuam. Cov neeg uas pab koj yuav tawm ib co tswv yim thiab kev txhawb nqa uas yuav pab koj tus me nyuam kawm tej yam uas KOJ xav tias yog tej yam tseem ceeb tshaj plaws!

Txoj kev loj hlob ntawm kev sib raug zoo thiab sab siab ntsws qhia txog txoj kev muaj cuab kav thiab qhia txog yus tej kev xav, nrog lwm tus neeg sib raug zoo, thiab kawm tej yam hauv ntiaj teb no. Txoj kev loj hlob ntawm kev sib raug zoo thiab sab siab ntsws yog lub hauv paus hauv ntsis rau txhua yam kev kawm ntawv thiab kev loj hlob hauv lub neej no. Qhov no muaj tseeb rau txhua tus me nyuam, kuj hais txog cov uas xiam hoob khab thiab muaj ntsis qeeb. Txhua yim neeg, yog tias muaj kev txhawj pab, yeej pab tau lawv tus me nyuam kawm txog txoj kev ua phooj ywg, qhia nws tej kev xav kom zoo, thiab muaj kev nyab xeeb kho tej teeb meem. Qhov no yog tej qhov piv txwv txog kev sib raug zoo thiab sab siab ntsws. Koj txoj kev sib raug zoo nrog koj tus me nyuam tseem ceeb vim hais tias txoj kev sib raug zoo pab koj tus me nyuam lub siab ntsws loj hlob zoo. Txhua txhua hnuv, txawm nej nyob qhov twg, qhov uas niam txiv/me nyuam sib raug zoo pab nej haj yam sib hlub, thiab yuav pab tau koj tus me nyuam kawm thiab loj hlob zoo.

Thaum koj tus me nyuam tsis ntshai, nyob nyab xeeb, tau kev tu zoo, thiab kev hlub, lawv thiaj loj hlob thiab kawm tau zoo!

Peb to taub tias txoj kev ua niam thiab txiv tsis yooj yim txhua txhua lub sij hawm! Cov niam txiv uas muaj me nyuam yaus uas muaj ntsis qeeb los sis muaj mob lub cev tsis taus tej zaum yuav xav tau kev pab ntxiv. Tej teeb meem ntawm kev coj cwj pwm, kev sib txuas lus thiab lub cev yeej txawj ua rau niam txiv muaj teeb meem. Koj Pawg Neeg rau Early Start nyob ntawm no xav pab koj! Koj mam li haj yam nrog nws sib hlub thiab nrog nws sib raug zoo txhua txhua hnuv, thaum nej ua ub ua no. Peb mam li pab koj kawm tej no!

Siv ob peb na this nrog koj tus me nyuam ua si, hu nkauj, nyeem ntawv thiab luag.

Yog xav paub ntxiv txog kev loj hlob ntawm kev sib raug zoo thiab sab siab ntsws, saib zaj vis dis aus no nyob ntawm: <http://earlystartneighborhood.ning.com/ssip-resources/TaMvideo>

Koj thiab koj tus me nyuam



Tej tswv yim thiab lus qhia

Koj ua li cas thiaj paub thaum twg koj tus me nyuam zoo siab, tu siab, nyuaj siab, ntshai, los sis chim siab?

Saib koj tus me nyuam zoo kom koj thiaj pom tau tej yam uas lawv qhia tawm. Tej zaum lawv yuav txav lawv lub cev, pauv lawv lub ntsej muag, thiab hais tej yam suab uas qhia koj seb lawv xav li cas.

Sim xav seb koj tus me nyuam tab tom raug xwm dab tsi.

Koj yuav teb li cas rau koj tus me nyuam cov kev xav?

Qhia tias koj to taub nws xav tau dab tsi, thiab siv tej lo lus yooj yim qhia txog tej ntawd. Piv xam hais tias, "Kuv paub hais tias koj npau taws vim hais tias koj ncav tsis cuag koj yam khoom ua si."

Yog tias koj tus me nyuam zoo siab lawm, av tsij ua yam uas koj sam sim ua. Yog tias koj tus me nyuam chim siab, siv me ntsis sijhawm los nplig nws lub siab.

Koj yuav pab koj tus mos ab los yog tus me nyuam li cas los tswj nws lub siab kom txias

Koj yuav tsum nco qab ntsoov tswj koj lub siab thiab. Sim ob peb yam pab tswj koj tus me nyuam lub siab, zoo li puag lawv, xwv lawv, muab ib yam khoom ua si los sis daim pam tshwj xeeb rau nws, hu nkauj, los sis qhib nkauj rau nws mloog kom sov nws siab.

Ntaus ib co tswv yim zoo pab tswj yus tej kev xav: ua tej pa hlob, suav txog plaub, tshuab npuas, hu ib zaj nkauj, los sis nrog koj tus me nyuam seev cev ua si. Nug koj tus me nyuam seb nws puas xav kom koj khawm nws.

Koj ua li cas thiaj qhia koj tus me nyuam tias lawv tseem ceeb thiab koj hlob lawv?

Siv sij hawm nrog koj tus me nyuam sib txuas lus: luag nyav, nrog lawv tham thiab mloog lawv lus, nyeem ntawv, hu nkauj, thiab nrog lawv ua si, noj mov ua ke.

Ntau zaus koj yuav tau muab cov twj siv fais fab tua es koj thiaj li tsom kwm tau rau koj txoj kev sib raug zoo nrog koj tus me nyuam.

Koj ua li cas thiaj yaum tau koj tus me nyuam kom koj cwj pwm uas koj nyiam?

Nco qab ntsoov tias yog koj tus me nyuam nkees, nqhis dej, tshaib plab, los sis tsis xis nyob, ces lawv yuav tsis koj cwj pwm zoo. Sim kho tej ntawd ua ntej koj sim qhia kom lawv koj ib tug cwj pwm tshiab.

Koj puas muaj lus txhawj xeeb los sis lus nug txog koj tus me nyuam?

Nrog koj Pawg Neeg Pab Early Start tham. Peb nyob no xav pab!

Nco qab ntsoov...

Tias koj yog koj tus me nyuam thawj tus nais khu! Cov me nyuam kawm ntau tshaj plaws los ntawm tej yam uas lawv pom lwm tus ua...tus tseem ceeb tshaj yog koj! Nrhiav sij hawm so thaum twg koj muaj teeb meem tswj koj lub siab kom txias. Xyuas kom koj tus me nyuam muaj kev nyab xeeb thiab siv ob peb na this tswj koj lub siab. Tej zaum koj hais tias, "Kuv xav siv sij hawm xav seb kuv yuav ua li cas thiaj pab tau koj." Tswj saib koj tus kheej txoj kev xav kom tus yees. Yog tias koj muaj kev nyuaj siab, kev kho siab, los sis kev txhawj xeeb, tej ntawd yeej raug koj tus me nyuam. Txais tej kev pab thiab kev txhawb nqa uas koj xav tau.



Developed with the support of the California Interagency Coordinating Council (ICC) on Early Intervention and the Early Start Comprehensive System of Personnel Development. Early Start is implemented by the Department of Developmental Services

